



BILTEN

br. 15

Septembar 2015.

Zu-l-ka'de / Zu-l-hidždže 1436.h.g.



BAJRAMSKE AKTIVNOSTI U
ŠTOKHOLMU



SA OVOGODIŠNJEG PUTA NA HADŽ

Budi i ti
član Svoje
Islamske Zajednice

7%

www.izb.se
Potražite nas i na facebook-u
Islamska zajednica Bošnjaka u
Švedskoj

SADRŽAJ

- Impresum
- Uvodnik

Aktivnosti IZBUŠ-a

- Održano savjetovanje sa predstavnicima džemata

Džematske aktivnosti

- Štokholm: Bajramske aktivnosti

Akcija Kurban 2015 - Izvještaj

- *Sa ovogodišnjeg puta na hadž*

KÄNNER DU TILL
DEN ANDLIGA VÅRDEN
PÅ SJUKHUS FÖR
MUSLIMER?

MUSLIMSKSJUKHUSKOORDINATOR.SE



BILTEN

Informativno glasilo

Islamske zajednice Bošnjaka u
Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Nezir-ef. Špiodić
Smajo-ef. Šahat
Elvedin-ef. Bešlija

POZIV NA SARADNJU

Oglasite se i Vi u Biltenu IZB u
Švedskoj!

Javite nam se sa vašim tekstom,
prijedlogom, primjedbom i
sugestijom.

e-mail: bilten@izb.se

UVODNIK



Idriz-ef. Karaman

Bliži se 31. oktobar, dan koji je posljednji rok za prijavljivanje članova IZBUŠ putem poreza za ovu godinu. Prilika je to da se zahvalimo svim članovima koji su se do sada učlanili, a u ovom trenutku je to preko 8 000 i, ako ovoj cifri dodamo maloljetnu djecu, dolazimo do broja koji, ustvari, predstavlja rekord, jer IZBUŠ, zapravo, nikada nije ukupno imao više članova.

U finansijskom pogledu to je nekoliko puta više nego ranijim načinom prikupljanja članarine, tako da džemati koji su od početka ovom projektu prišli maksimalno ozbiljno nemaju više nikakvih problema sa finansiranjem redovnih aktivnosti, a višak sredstava mogu koristiti za poboljšanje uvjeta rada, vakufske i druge fondove.

Imajući sve ovo na umu, zaista je nerazumljivo da ima još nekoliko džemata koji ovu akciju ne provode gotovo nikako. Da apsurd bude veći, upravo ovi džemati kubure sa finansiranjem svojih redovnih aktivnosti. Zbog toga ovu priliku koristimo da još jednom pozovemo ove džemate da akciji prikupljanja pristupnica za članstvo putem poreza priđu ozbiljno i bez alternative i na taj način riješe svoje finansijske probleme, a time obezbijede uvjete za funkcioniranje svog džemata.

Pozivamo i članove koji su potpisali pristupnice da ideju članstva putem poreza prenose među svojim prijateljima i rodbinom koji se još nisu učlanili.

Idriz-ef. Karaman

Preporod
ISLAMSKÉ INFORMATIVNE NOVINE



Allah neće izmjeniti
starje jednog naroda
dok taj narod ne
promijeni sebe
(Kur'an)

www.izb.se

U JÖNKÖPINGU ODRŽANO SAVJETOVANJE SA PREDSTAVNICIMA DŽEMATA ISLAMSKJE ZAJEDNICE BOŠNJAKA U ŠVEDSKOJ



U subotu, 05. septembra 2015. godine, u Jönköpingu je održano savjetovanje sa predstavnicima džemata Islamske zajednice Bošnjaka u Švedskoj. Uz prisustvo predstavnika 17 džemata, obrađene su trenutno najaktualnije teme sa posebnim naglaskom na saradnju sa NBV, uplati kurbana preko Rijasetu, formiranju registra članstva po zahtjevima SST.

U referatima koje su prezentirali predsjednik IZBUŠ Mustafa-ef. Šetkić i glavni imam Idriz-ef. Karaman istaknut je napredak na gotovo svim poljima djelovanja u Zajednici. Većina džemata ostvarila je značajan napredak kako u redovnim aktivnostima tako i u akcijama koje se provode u organizaciji Rijasetu i IZBUŠ.

U radnom dijelu savjetovanja prisutnima se prvo obratio predsjednik NBV Jonatan Hjort i detaljno predstavio historijat i načine organiziranja i rada NBV, te pozvao predstavnike džemata da se aktivno uključe u izborni proces i uključe u rad kako na saveznom tako i na lokalnom i regionalnom nivou NBV.

Ispred Rijasetu IZ u BiH prisutnima su se obratili direktor Uprave za ekonomske i finansijske poslove Zejnil-ef. Rebihić i Mirnes-ef. Lemeš, stručni saradnik Uprave za vanjske poslove i dijasporu. Zejnil-ef. Rebihić je detaljno informirao o pripremama za ovogodišnju akciju uplate kurbana. Naglasio je da će Islamska zajednica u BiH ove i narednih godina u fokus staviti povratnička mjesta u gornjem i srednjem Podrinju, istočnoj Hercegovini, zapadnoj Bosni i zapadnoj Hercegovini, gdje će kurbane otkupiti od povratnika koji se bave uzgojem stoke, zaklati ih na licu mjesta i podijeliti povratnicima. Mirnes-ef. Lemeš je prezentirao izvještaj o realizaciji prošlogodišnje akcije uplate kurbana preko Rijasetu.

Na kraju savjetovanja prezentirana su pravila u vezi registra članstva koja pred nas stavlja SST a u vezi ispunjavanja uslova za dobivanje organizacijske pomoći.

BAJRAMSKE AKTIVNOSTI U ŠTOKHOLMU

Naš džemat je ovog bajrama imao prvi put priliku da na hadžijski bajram ugosti svoje članove u novim džamijskim prostorijama, te su svi imali mogućnost uvjeriti se u neprocjenjivu ljepotu dugačkih prepunjenih safova, čemu svjedoče i fotografije sa tog namaza. Između sabaha i bajrama je proučen Jasin-i-šerif merhumima i šehidima, a zatim sve do bajrama je održan bajramski vaz. Poslije bajrama su najmlađim posjetiocima podijeljeni mali bajramluci, a džematlije su imale priliku da kupovinom "Bajramske ruže humanosti", koju je inicirao Aktiv žena BIZ Stockholm, obraduju i svoje hanume, ali i one do kojih će u našoj domovini doprijeti ova humanitarna akcija.



Drugi dan bajrama navečer džemat u saradnji sa FK Bosna 08 je organizovao humanitarnu svečanost: "Bajramsko veče" gdje su gosti bili, u kulturno vjerskom programu, islamski psiholozi Edin i Aida Tule; dočim u drugom zabavnom dijelu kojeg organizuje FK Bosna 08 je prisutne svojim lijepim glasom razglio Armin

Muzaferija. Ovom programu se odazvalo preko 300 gostiju i svojim ulaznicama su bili dio doprinosa humanitarnom fondu džemata i pomoći najugreženijih u našoj Domovini. Druženje sa islamskim psiholozima Edin i Aiuda Tule je nastavljeno i u naredna dva dana te su imali posebne susrete sa ženama, omladinom, mektebom i mektebskim roditeljima i ostalim džematlijama.

Treći dan bajrama je realizovana i akcija mekteba kojoj su se odazvale i ostale džematlije, a to je da svako ko želi pripremi "Bajramski paketić najmlađim izbjeglicama" - te je džemat tim putem preko 70 paketića dostavio djeci u izbjegličkom kampu u Farsti.



SA OVOGODIŠNJEG PUTA NA HADŽ

Na put smo krenuli 14. septembra 2015. u 18.00 sati sa aerodroma u Geteborgu, odakle preko Istanbula letimo u Džidu. U Džidu sliječemo prije podne narednog dana. Bez većim problema obavljamo aerodromske formalnosti i u večernjim satima stižemo u hotel u Meki. Prijatno smo iznenađeni smještajem, a ni na udaljenost od Harema nismo imali primjedbi, jer su cijelo vrijeme do Harema vozila tri autobusa, a ni pješice nije trebalo više od dvadesetak minuta.



Na obavljanje umre krećemo nešto iza ponoći. Učimo telbiju i s nekim izmiješanim osjećanjima primičemo se Haremu, koji je trenutno, zapravo, jedno ogromno gradilište. Nesvjesno tražimo kran koji je prije nekoliko dana pao i izazvao još jednu nesreću i odnio živote velikog broja ovogodišnjih nesuđenih hadžija. I dok se pokušavamo snaći u novom režimu kretanja, pred nama se iznenada ukaza Ljepotica. Sve je za nekoliko trenutaka stalo. Hadžije šute i dove... Pokušavamo ih „probuditi“ iz tog osjećaja divljenja i zbunjenosti i dati posljednje upute pred tavah i saj. Iako je ponoć davno prošla, velika je gužva u tavafu. Uprkos tome, umru obavljamo bez većih problema. Sretni i zadovoljni vraćamo se pred sabah u

hotel. Taj lijepi osjećaj malo je okrenjen gubljenjem jedne hadži-hanume, koja nije mogla odoljeti da blizinu Kjabe prilikom tavafa iskoristi i dodirne je, a onda se u gužvi izgubi. Nismo se, međutim, uspjeli ni ozbiljno zabrinuti, a ona je već bila tu. Kako je samo snalažljiva ta naša majka bošnjačka?!

Dane do odlaska na Minu i Arefat koristimo da klanjamo što više namaza u Haremu, a organizirali smo i nekoliko predavanja za naše hadžije. Tako su nam u gostima bili Aljo-ef. Cikotić, izvanredni imam iz Travnika, ove godine na hadžu u organizaciji Rabite, zatim dr. Mustafa Hasani sa FIN-a, novinar Bajro Perva, te dugogodišnji imam hafiz Jusuf Karaman, koji su na hadž doputovali u organizaciji Rijasetu.



8. zu-l-hidždžeta jedna grupa naših hadžija krenula je na Minu, a druga rano ujutro narednog dana put Arefata. Arefat će ostati upamćen kao najveće iskušenje ovog hadža. Kažu da je bilo preko 50 stepeni, uz to nečijom greškom, mi smo imali tako malo prostora pod šatorom da smo izgledali doslovce kao sardine upakovani. Uprkos tome, ibadet na Arefatu bio je veoma intezivan. Pored individualnih dova, zajednički smo proučili Jasini-šerif, tehvidi-zikr, arefatsku dovu, a hadžije su posebno bile oduševljene bajramskom hutbom reisu-l-uleme Husein-ef. Kavazaovića koju smo pročitali umjesto arefatskog predavanja.

Odlazak sa Arefata je uvijek veliko iskušenje, kao i boravak na Muzdelifi. Ipak, bez većih problema u zoru stižemo na Minu kod džemreta i obavljamo prvo bacanje kamenčića.

Nevjerovatnom brzinom pronalazimo „taxi“ i vrlo rano smo u hotelu u Meki, gdje nas čeka tužna vijest o stradanju velikog broja hadžija na Mini. Među stradalim nije bilo hadžija iz BiH, ako je to neka utjeha, ali je ostala mrlja na ovogodišnjoj organizaciji, posebno što smo čuli najmanje pet različitih teorija kako se to desilo i to sve „iz pouzdanih“ izvora...



Prvi dan Bajrama iza ponoći obavljamo glavni hadžski tavaf, a naredna dva dana autobusima, odnosno taxijem, idemo na bacanje kamenčića.

Posljednji dan Bajrama organizirali smo noćni tevhide-zikr i predavanje.

U utorak, 29. septembra zijaretili smo Brdo milosti na Arefatu, te podnožja brda Sevr i Brda svjetlosti. Sva ova mjesta izgledaju mnog drugačije nakon hadža, tako da predavanja o susretu h. Adema i h. Have na Brdu milosti, boravku Muhameda, a.s., i Ebu Bekra u pećini Sevr i Prvoj objavi u pećini Hira itekako imaju smisla. Oproštajni tavaf obavili smo isti dan poslije ponoći.

U Medinu krećemo narednog dana, gdje stižemo u akšam. Ljepotu Medine nije nam moglo pokvariti ni prvobitno blago razočarenje izgledom hotela u kojem smo bili smješteni. Ipak je najvažnije da smo bili blizu Harema i da smo bez problema stizali na sve vaktove u džemat.

U subotu, 3. oktobra zijaretili smo Kuba džamiju, brdo Uhud i džamiju sa dvije kible. Bio je to još jedan čas historije u kojem smo se podsjetili na događaj promjene Kible, hidžru i jednu od najvažnijih bitaka u historiji islama.



Isti dan nešto prije ponoći napuštamo hotel i krećemo prema aerodromu u Medini. Aerodrom u Medini je potpuno nov i tu više nema onih ranijih gužvi, stresa i drugih problema. Zapravo, sada to izgleda kao čekiranje na svakom drugom aerodromu.

Ponovo putujemo preko Istanbula u Geteborg.

Nije bilo većih kašnjenja i već u podne smo u Geteborgu, gdje nas čekaju naše familije.

Rastajemo se, većina još nesusjesna sa koliko novog bogatstva u dušama.

Bože dragi, ukabuli hadž svim ovogodišnjim hadžijama, uz posebnu zahvalnost našoj grupi hadžija iz Švedske, koji su svo vrijeme bili primjer kako se treba ponašati i odnositi prema hadžskim obredima.

Idriz-ef. Karaman i Almedin-ef. Spahić,
ovogodišnji vodiči na hadž

RIJASETOVA AKCIJA: Ove godine obezbijeđeno 6872 kurbana

Rijaset Islamske zajednice u Bosni i Hercegovini, kao i prethodnih, i ove godine organizirao je akciju uplate kurbana i klanja u BiH, te prikupljanje kurbanskih kožica. Istodobno, zajedno s medresama, Rijaset je koordinirao akciju klanja kurbana u svrhu osiguranja potrebnih količina mesa radi ishrane učenika medresa i studenata fakulteta. Međutim, posebno je važno naglasiti da Rijasetova akcija organiziranog klanja kurbana kroz institucije Islamske zajednice, iz godine u godinu, dobija nove forme kojima se izvršavanje ovog vjerskog obreda, pored ostalog, stavlja u funkciju jačanja povratka i opstanka muslimana na njihovim ognjištima.

Naime, nakon što je u 2014. godini učinjen iskorak odlukom da se dio kurbana kupi od bošnjačkih povratnika, što je rezultiralo kupovinom 2.400 kurbana od povratničkih porodica, u 2015. godini Rijaset Islamske zajednice kupio je mnogo veći broj kurbana od povratnika. Kurbani su kupljeni u Srebrenici, Žepi, Bratuncu, Vlasenici, Zvorniku, Višegradu, Foči, Gacku, Prnjavoru i drugim povratničkim područjima. Meso kurbana će biti prvenstveno i podjeljeno povratničkoj populaciji.

«Ove godine ukupan broj kurbana koji su obezbijeđeni preko Rijasetu jeste 6872. To je 2083 kurbana više nego prošle godine. Ovo dodatno govori o pripremama koje su izvršene ove godine. Apsolutna većina kurbana je nabavljena u manjem entitetu i gradovima zapadne Hercegovine. Nema medžlisa s prostora manjeg entiteta da nije učestvovao u akciji, počevši od Rudog sa skromnih 12 kurbana», kazao je koordinator akcije kurbana i šef Odsjeka za ekonomske poslove Bilal Memišević.

Proces podjele je počeo još prvog dana Bajrama. Svježe kurbansko meso je dostavljeno povratnicima u toku bajramskih dana, dok će ostatak biti ustupljen medresama. Jedan dio mesa će se preraditi za medrese i za podjelu u organizaciji Ureda za društvenu brigu, koja podrazumijeva podjelu javnim kuhinjama, ustanovama, izbjeglicama i drugim kategorijama. Uskoro će se objaviti kompletna tabela s imenima i adresama svih korisnika kurbanskog mesa.

Broj uplaćenih kurbana po džematima u Švedskoj	
Borås	31
Gislaved	3
Göteborg	56
Halmstad	15
Helsingborg	10
Jönköping	9
Kalmar	
Karlskoga	
Karlstad	
Landskrona	29
Linköping	
Malmö	107
Motala	
Norrköping	19
Örebro	33
Oskarshamn	
Skövde	19
Stockholm	50
Surte	4
Trelleborg	7
Trollhättan	18
Varberg	
Värnamo	8
Västerås	21
Växjö	2
Vetlanda	
Direktne uplate na račun IZBUŠ	65
UKUPNO	506